



Imlitir 0014/2013

**Chuir: Údaráis Bhainistíochta Bunscoileanna, Meánscoileanna Aitheanta
mar aon le Scoileanna Comhphobail agus Cuimsitheacha agus
Príomh-Oifigigh Fheidhmiúcháin Coistí Gairmoideachais**

**Buiséad 2012 – Athbhreithniú Leathan ar Liúntais agus ar Phréimh - Íocaíochtaí um
Sheirbhís Phoiblí do Mhúinteoirí**

Liúntas Maoirseachta i mBunscoileanna

Liúntas Maoirseachta & Ionadaíochta i Scoileanna Iar-Bhunoideachais

Réamhrá

1. Rinne [Imlitir 3/2012](#) an ceadú a tharraingt siar chun liúntais ar leith a íoc don lucht sochair nua le héifeacht ó 1 Feabhra 2012, fad gan fáil fós ar thoradh an athbhreithnithe leathain um sheirbhís phoiblí ar na liúntas agus ar na préimh-íocaíochtaí. Tá an Imlitir seo mar thoradh ar an athbhreithniú sin chomh fada is a bhaineann sé leis an liúntas Maoirseachta i mbunscoileanna agus leis an liúntas Maoirseachta & Ionadaíochta i scoileanna iar-bhunoideachais mar ar chinn an Rialtas.
2. Tá sé ceadaithe anois an liúntas Maoirseachta mar aon leis an liúntas Maoirseachta & Ionadaíochta a íoc do na ceapaithe nua don mhúinteoireacht a ceapadh ar 1 Feabhra 2012 nó ina dhiaidh sin cé go bhfuil roinnt athruithe le déanamh ar na téarmaí a bhainfidh le íocaíocht na liúntas.

Uaireanta an chloig a ríomh do Scoileanna maidir le Maoirseacht / Maoirseacht agus Ionadaíocht

3. Déanfar líon na n-uaireanta maoirseachta a bheidh dlite do bhunscoil mar aon leis an líon uaireanta maoirseachta agus ionadaíochta a bheidh dlite do scoil iar-bhunoideachais a ríomh mar ar rinneadh cheana.

Rátaí Íocaíochta agus Uaireanta Freagrachta i gcás Sealbhóirí Reatha

4. I gcás sealbhóirí na liúntas Maoirseachta i mbunscoileanna agus sealbhóirí na liúntas Maoirseachta & Ionadíochta i scoileanna iar-bhunoideachais, ní bheidh aon athrú ar na heagair a bhainfidh lena leithéid

(i) Múinteoirí a ceapadh don chéad uair roimh 1 Eanáir 2011

Múinteoir a rinne seirbhís i bpost teagaisc, i bpost a bhí maoinithe ag an Oireachtas, roimh 1 Eanáir 2011 agus go socraíonn sé/si ina dhiaidh sin tabhairt faoi dhualgais mhaoirseachta / maoirseachta agus ionadaíochta, caithfidh an duine sin gealltanais a thabhairt chun íosmhéid 37 uair maoirseachta / maoirseachta agus ionadaíochta a sheachadadh le linn na scoilbhliana chun íocaíocht bhliantúil €1769 a thuilleamh. Is é €47.82 an íocaíocht a bheidh i gceist le haghaidh na huair do a leithéid de mhúinteoir a dhéanann maoirseacht / maoirseacht agus ionadaíocht sa bhreis nó a dhéanann maoirseacht / maoirseacht agus ionadaíocht ar bhonn ócáideach.

(ii) Múinteoirí a ceapadh idir 1 Eanáir 2011 agus 31 Eanáir 2012, araon san áireamh, (Ceapaithe nua faoi Imlitir 40/2011) – Múinteoir a dhéantar a rangú mar cheapaí nua faoi Imlitir 40/2011 (i.e. a rinne seirbhís don chéad uair i bpost teagaisc i bpost a bhí maoinithe ag an Oireachtas idir 1 Eanáir 2011 agus 31 Eanáir 2012, araon san áireamh, agus a íoctar ar an scála pá iar-1 Eanáir 2011 do cheapaí nua agus ina dhiaidh sin go socraíonn sé/si ansin tabhairt faoi dhualgais mhaoirseachta / maoirseachta agus ionadaíochta, caithfidh an duine sin gealltanais a thabhairt chun íosmhéid 37 uair maoirseachta / maoirseachta agus ionadaíochta a sheachadadh le linn na scoilbhliana chun íocaíocht bhliantúil €1592 a thuilleamh. Is é €43.04 an íocaíocht a bheidh i gceist le haghaidh na huair do a leithéid de mhúinteoir a dhéanann maoirseacht / maoirseacht agus ionadaíocht sa bhreis nó a dhéanann maoirseacht / maoirseacht agus ionadaíocht ar bhonn ócáideach..

Rátaí Íocaíochta agus Uaireanta Freagrachta le haghaidh Múinteoirí a Cheaphtar ar 1 Feabhra 2012 nó ina dhiaidh sin.

5. Múinteoir a rinne seirbhís don chéad uair i bpost teagaisc, i bpost a bhí maoinithe ag an Oireachtas, ar 1 Feabhra 2012 nó ina dhiaidh sin agus go socraíonn sé/si ansin tabhairt faoi dhualgais mhaoirseachta / maoirseachta agus ionadaíochta, caithfidh an duine sin gealltanais a thabhairt chun íosmhéid 49 uair maoirseachta / maoirseachta agus ionadaíochta a sheachadadh le linn na scoilbhliana chun íocaíocht bhliantúil €1592 a thuilleamh.
6. Is é €32.49 an íocaíocht le haghaidh na huair do a leithéid de mhúinteoir a dhéanann maoirseacht / maoirseacht agus ionadaíocht sa bhreis nó a dhéanann maoirseacht / maoirseacht agus ionadaíocht ar bhonn ócáideach.

An ráta do dhaoine a fhostaítear chun maoirseacht a dhéanamh agus chuige sin amháin

7. Is é €21.31 an ráta in aghaidh na huaire a bheidh iníoctha don duine aonair a fhostaítear don chéad uair roimh 1 Eanáir 2011 chun maoirseacht a dhéanamh, agus chuige sin amháin.
8. Is é €19.18 an ráta in aghaidh na huaire a bheidh iníoctha don duine aonair a fhostaítear don chéad uair ar 1 Eanáir 2011 nó ina dhiaidh sin chun maoirseacht a dhéanamh, agus chuige sin amháin.

Scaipeadh

9. Ar mhiste a dheimhniú go ndéanfar cóipeanna den Imlitir seo a chur ar fáil don Bhord Bainistíochta / don Choiste Gairmoideachais agus go ndéanfar aird na múinteoirí go léir atá fostaithe ag an scoil, iad san ar chead saoire san áireamh, a dhíriú ar ábhar na hImlitreach.
10. Is féidir teacht ar an Imlitir seo ar láithreán gréasáin na Roinne faoi <http://www.education.ie>.

P. Maloney,
An Roinn Párolla

Feabhra 2013

Aguisín – Táblaí na Rátaí

Stádas	Uaireanta Freagrachta mar thoradh ar íocaíocht bhliantúil	Íocaíocht Bhliantúil	Íocaíocht san uair mar thoradh ar maoirseacht/maoirseacht agus ionadaíocht sa bhreis nó mar thoradh ar maoirseacht/maoirseacht agus ionadaíocht ar bhonn ócáideach
Gan a bheith rangaithe mar cheapaithe nua (i.e. rinne seirbhís i bpost teagaisc i bpost a bhí maoinithe ag an Oireachtas roimh 1 Eanáir 2011) Ceapaithe nua faoin Imlitir 40/2011 (i.e. rinne seirbhís don chéad uair i bpost teagaisc i bpost a bhí maoinithe ag an Oireachtas idir 1 Eanáir 2011 agus 31 Eanáir 2012 araon san áireamh agus a íoctar ar an scála páir-1 Eanáir 2011 do cheapai nua)	37	€1,769	€47.82
Rinne seirbhís don chéad uair i bpost teagaisc i bpost a bhí maoinithe ag an Oireachtas ar 1 Feabhra 2012 nó ina dhiaidh sin.	37	€1,592	€43.04
	49	€1,592	€32.49

Daoine a fostaíodh don chéad uair le haghaidh maoirseachta agus chuige sin amháin:

Stádas	Ráta don Uair
Fostaithe don chéad uair roimh 1 Eanáir 2011	€21.31
Fostaithe don chéad uair ar 1 Eanáir 2011 nó ina dhiaidh sin	€19.18